



DARI kiri; Mimi Ravita, Nor Ilma dan Fazia pada mesyuarat Malam Puisi Riong BH-UMP, di Balai Berita, Kuala Lumpur, baru-baru ini.

BH (Sastera) 6 (12/10 m 27)

YAHYA ZAINI/BERITA HARIAN

**U**NIVERSITI Malaysia Pahang (UMP) bersestuju menjalin kerjasama dengan *Berita Harian* bagi membuka tirai Puisi Riong kali ke-11 pada tahun depan di institusi pengajian tinggi (IPT) berkenaan seperti diputuskan pada mesyuarat di Balai Berita, Kuala Lumpur, baru-baru ini.

Mesyuarat selama dua jam di antara Ketua Timbalan Pendaftar, Jabatan Penyelidikan dan Inovasi UMP, Datin Fazia Ali dengan Editor Sastera, *Berita Harian*, Salbiah Ant, bersetuju dengan cadangan agar acara berkenaan berlangsung di Kompleks Sukan UMP, pada 10 Januari, jam 8.30 malam.

"Kami melihat program dengan mesej berguna ini berupaya menarik minat masyarakat untuk menghayati sastera dan bertepatan dengan fungsi UMP yang menyokong hasrat kerajaan memberi pendidikan dan kesedaran kepada masyarakat khususnya generasi muda terhadap isu sosial."

"Justeru, UMP memilih Apakah Dosaku sebagai tema sebagai tanda kesepadan suara dan keprihatinan universiti terhadap isu penderaan, pembuangan dan pembunuhan bayi di negara ini bagi menyedarkan warga UMP khususnya dan seluruh IPT amnya," katanya kepada *Sastera* selepas

## Malam Puisi Riong di UMP

Mesyuarat Puisi Riong BH-UMP pusingan pertama itu.

Program anjuran bersama *Berita Harian* dengan UMP mendapat kerjasama Majlis Perwakilan Pelajar (MPP), Pejabat Timbalan Naib Canselor (Penyelidikan dan Inovasi), Kementerian Pengajian Tinggi, Majlis Kebudayaan universiti Malaysia (MAKUM) dan Bukit Gambang Resort City.

UMP turut diwakili pegawaiannya, Mimi Abdul Wahid, Muhammad Faisal Mohd Yasin, Nor Ilma Mustafa Kamal, Zainal Bahari dan Mohd Zaki Ahmad, manakala NSTP pula, Penolong Pengurus Perdagangan (Pemasaran) NSTP, Shamzaini Salim dan Pembantu Tadbir, Bahagian Pengurusan Acara Komunikasi, Korporat dan Pengurusan Acara NSTP, Amir Razak.

Fazia berkata, Malam Puisi Riong bersempena Kempen Kami Prihatin; Apalah Dosaku, UMP turut mengadakan Sayembara Puisi Riong peringkat IPTA dan IPTS bermula 9 hingga 10 Januari depan dan juara pertandingan diberi peluang beraksi pada Malam Puisi Riong BH-UMP.

Pada mesyuarat itu, kedua-dua pihak turut mencapai persetujuan berhubung senarai penyair yang akan menjayakan program terbabit, tetamu kenamaan dan bentuk persembahan yang memperkenalkan keragaman bentuk deklamasi puisi.

Antara nama besar yang akan beraksi ialah Penerima Anugerah Penulisan SEA 2000, Prof Madya Dr Lim Swee Tin; penyair Pahang, Marsli NO; Juara *Imam Muda*, Muhammad Asyraf Mohd Ridzuan dan penyair indie, Fynn Jamal, selain artis popular seperti Ramli Sarip, Faizal Tahir dan Ana Raffali. Naib Canselor UMP, Prof Datuk Dr Daing Nasir Ibrahim

**“ Kami melihat program dengan mesej berguna ini berupaya menarik minat masyarakat untuk menghayati sastera dan bertepatan dengan fungsi UMP yang menyokong hasrat kerajaan memberi pendidikan dan kesedaran kepada masyarakat khususnya generasi muda terhadap isu sosial”**

**Fazia Ali**

Ketua Timbalan Pendaftar,  
Jabatan Penyelidikan dan  
Inovasi UMP

dan Pengarang Kumpulan *Berita Harian*, Datuk Mior Kamarul Shahid, dijadualkan beraksi di pentas puisi pada malam terbabit bagi memeriahkan acara.

Malam Puisi Riong membuka tirai tahun ini di Universiti Utara Malaysia (UUM) pada 3 Februari, sebelum disusuli Universiti Pendidikan Sultan Idris (UPSI), Tanjung Malim (17 Mac); Universiti Teknologi Malaysia (UTM) Skudai (27 Mac) dan Universiti Teknikal Malaysia Melaka (7 April).

Ia diikuti Majlis Bandaraya Shah Alam pada 30 April, Angkatan Belia Islam Malaysia (ABIM) di Universiti Islam Antarabangsa Malaysia, Gombak (2 Ogos); UTM Skudai (26 September); Universiti Putra Malaysia (UPM), Serdang (2 November) dan Institut Terjemahan Negara Malaysia (ITNM) di Istana Budaya (12 November lalu).

